

# OFFICIA PROPRIA

## ARCHIDIECESIS FRIBURGENSIS

### PARS ÆSTIVA

#### FESTA JUNII

Die 5 Junii

S. Bonifatii Episcopi et

Martyris Duplex II classis

Omnia ut in Communi unius  
Martyris, præter ea, quæ in Breviario  
hac die habentur propria.

In I Vesperis fit Commemoratio  
præcedentis.

In I Nocturno Lectiones A Miléto.

In II Vesperis fit Commemoratio  
sequentis.

#### FESTA JULII

Die 4 Julii

S. Udalrici Episcopi et

Confessoris Duplex

Ÿ. Amávit eum Dóminus, et  
ornávit eum. R̃. Stolum glóriæ  
induit eum.

Ad Magnif. Ant. Sacérdos et  
Póntifex, \* et virtútum ópifex,  
pastor bone in pópulo, ora pro  
nobis Dóminum.

#### Oratio

D EUS, qui cónspicis, quia  
ex nulla nostra virtúte  
subsístimus: concéde propítius;  
ut, intercessióne beáti Udalrici  
Confessoris tui atque Pontíficis,  
contra ómnia advérsa muniámur.  
Per Dóminum.

Et fit Commemoratio præcedentis:

Ant. Dum esset Summus  
Póntifex, terréna non méruit,  
sed ad cæléstia regna gloriósus  
migrávit.

Ÿ. Justum dedúxit Dóminus per  
vias rectas. R̃. Et osténdit illi  
regnum Dei.

#### Oratio

D EUS, qui beátum Leónem  
Pontíficem sanctórum

tuórum méritis coæquásti:  
concéde propítius; ut, qui  
commemoratiónis ejus festa  
percólimus, vitæ quoque  
imitémur exémpla. (Per  
Dóminum.)

Deinde Commemoratio Octavæ Ss.  
Petri et Pauli Apostolorum:

**Ant.** Petrus Apóstolus, et  
Paulus Doctor géntium, ipsi nos  
docuérunt legem tuam Dómine.

Ÿ. Constitúes eos príncipes  
super omnem terram. R.  
Mémoires erunt nóminis tui  
Dómine.

### Oratio

**D**EUS, qui hodiérnam diem  
Apostolórum tuórum Petri  
et Pauli martýrio consecrásti: da  
Ecclésiæ tuæ, eórum in ómnibus  
sequi præcéptum; per quos  
religiónis sumpsit exórdium. Per  
Dóminum.

### In II Nocturno

#### Lectio iv



**U**DALRÍCUS, excélsa  
prosápia Alamannórum  
patre Hupáldo, cómite  
de Dillingen et Khyburg, et matre  
Thietbúrga natus, puer mónachis

sancti Galli tráditur educándus.  
Ibi stúdio littérarum et virtútum  
zelo, præsertim castimóniæ,  
ádeo excélluit, ut coævi  
„sáctulum“ illum jam abínde  
cœperint vocitáre. In pátriam  
revérsus, cognáto suo Adalberóni,  
epíscopo Augustáno, fidéliter  
desérviit et post ejus mortem  
bonórum suórum patrimoniálium  
per quatuórdecim fere annos  
curam gessit. Mórtuo  
Hiltíno, Adalberónis successóre,  
Udalricus ab Henríco primo rege  
epíscopus ecclésiæ Augustánæ  
præfícitur.

R. Invéni David servum meum,  
óleo sancto meo unxi eum: \*  
Manus enim mea auxiliábitur ei.  
Ÿ. Nihil profíciet inimícus in eo,  
et filius iniquitátis non nocébit ei.  
Manus.

### Lectio v

**F**ACTUS ígitur epíscopus,  
totum se contemplatióni  
dedit et sacrae lectióni: ínterim  
nihilóminus, ut pastor bonus,  
summa cura ac sollicitúdine  
óvibus suis invigilábat. Quas,  
tum sæpjs visitádo, tum

quibúsviſ ingruéntibus perículis confirmádo, ádeo numquam desérui, ut irrumpéntibus aliquándó Húngaris fórtiter resistédo precésque férvidas ad Deum ex ánimo fundédo cives suos e summo discrimine feliciter liberáret.

**℞.** Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. **℣.** Inveni David servum meum, óleo sancto meo unxi eum. **Manus.**

### Lectio vi

**C**OMPONÉNDIS discídiis et inimícis reconciliándis óperam semper navávit egrégjam; Ottónem Cæsarem et Ljudólphum ejus fílium, gravíssimis inter se dissidéntes ódiis, reconciliávit. Páuperes quotidie mensæ suæ adhibébat convívas. Abstinéntia fuit admirábili; in oratióne étiam ad multam sæpe noctem assíduus, lecto plúmeo numquam est usus. Longum est commemoráre, quam multa ædificárit templa, quántaque per eum Deus contúlerit dona. Atque in his

piis stúdiis ac labóribus per quinquagínta annos episcopátus múnere digne et sancte functus óbiit quinto Nonas Júlias, anno Incarnatiónis Domínicæ nongentésimo septuagésimo tértio. Vigínti annis post a sýnodo Lateranénsi, præsidénte Joánnē Papa quintodécimo, inter Sanctos relátus est, quæ fuit prima omníno inter omnes canonizatiónes solémnes. Hujus reliquiæ Augústæ Vindelicórum in ecclésia sanctæ Afræ, póstea ejus nómine nuncupáta, religiosíssime servátur, ubi gloriósa ejus mérita miráculis corúscant.

**℞.** Iste est, qui ante Deum magnas virtútes operátus est, et omnis terra doctrína ejus repléta est: \* Ipse intercédát pro peccátis ómnium populórum. **℣.** Iste est, qui contémpsit vitam mundi, et pervénit ad cæléstia regna. Ipse. **Glória Patri. Ipse.**

**In III Nocturno Homilia in Evangelium** Homo péregre, **de Communi Confessoris Pontificis 1 loco.**

## AD LAUDES

**Ÿ.** Justum dedúxit Dóminus per vias rectas. **Ř.** Et osténdit illi regnum Dei.

**Ad Bened. Ant.** Euge serve bone \* et fidélis, quia in pauca fuísti fidélis, supra multa te contítuam, dicit Dóminus.

## Oratio

**D**EUS, qui cónspicis, quia ex nulla nostra virtúte subsístimus: concéde propítius; ut, intercessióne beáti Udalríci Confessóris tui atque Pontíficis, contra ómnia advérsa muniámur. Per Dóminus.

**Et fit Com. Octavæ:**

**Ant.** Gloriósi Príncipes terræ, quómodo in vita sua dilexérunt se, ita et in morte non sunt separáti.

**Ÿ.** In omnem terram exívit sonus eórum. **Ř.** Et in fines orbis terræ verba eórum.

## Oratio

**D**EUS, qui hodiérnam diem Apostolorum tuórum Petri et Pauli martýrio consecrásti: da Ecclésiæ tuæ, eórum in ómnibus sequi præcéptum; per quos

religiónis sumpsit exórdium. Per Dóminus.

**Vesperæ a Capitulo de sequenti, Com. præcedentis:**

**Ant.** Amávit eum Dóminus, et ornávit eum: stolam glóriæ índuit eum, et ad portas paradísi coronávit eum.

**Ÿ.** Justum **et Oratio** Deus, qui cónspicis, **ut supra.**

**Deinde Com. Octavæ:**

**Ant.** Petrus Apóstolus, et Paulus Doctor géntium, ipsi nos docuérunt legem tuam Dómine.

**Ÿ.** Constitues eos príncipes super omnem terram. **Ř.** Mémores erunt nóminis tui Dómine.

**Oratio** Deus, qui hodiérnam, **ut supra.**

## Die 8 Julii

Ss. Kiliani **Ep.** et Sociorum

**Martyrum Duplex**

**Ÿ.** Lætámini in Dómino et exsultáte, justí. **Ř.** Et gloriámini, omnes recti corde.

**Ad Magnif. Ant.** Istórum est enim \* regnum cælórum, qui contempsérunt vitam mundi, et pervenérunt ad præmia regni, et

lavérunt stolas suas in ságuine Agni.

### Oratio

**D**EUS, qui sanctórum Mártyrum Kiliáni et Sociórum ejus méntibus in passióne constántiam inspirásti: concéde propítius; ut sicut illi devíctis persecutóribus a te coronári meruérunt, ita nos eórum interventióne tua semper protectióne lætémur. Per Dóminum.

*Et fit Com. præcedentis:*

**Ant.** Isti sunt viri sancti, facti amíci Dei, divínæ veritátis præcónio gloriósi: linguæ eórum claves cæli factæ sunt.

**Ÿ.** Sacerdótes tui induántur justítiam. **Ŕ.** Et sancti tui exsúltent.

### Oratio

**O**MNÍPOTENS sempitérne Deus, qui Slavóniæ gentes per beátos Confessóres tuos atque Pontífices Cyrillum et Methódium ad agnitiónem tui nóminis veníre tribuísti: præsta; ut, quorum festivitáte gloriámur, eórum consórtio copulémur. (Per

Dóminum.)

*Deinde Com. S. Elisabeth Reginæ, Viduæ:*

**Ant.** Et nunc, reges, intelligite: erudímini, qui judicátis terram.

**Ÿ.** Ora pro nobis, beáta Elisabeth. **Ŕ.** Ut digni efficiámur promissionibus Chisti.

### Oratio

**C**LEMENTÍSSIME Deus, qui beátam Elisabeth reginam, inter céteras egregias dotes, béllici furóris sedándi prærogativa decorásti: da nobis ejus intercessióne post mortális vitæ, quam suppliciter pétimus, pacem, ad ætéRNA gáudia perveníre. Per Dóminum.

### In II Nocturno

#### Lectio iv



**K**ILIÁNUS ex Scótia nobílibus paréntibus ortus contéptis hujus mundi illécebris, ad monastérium, tamquam salútis portum tutíssimum, confúgit, in quo assídus jejúniis, vigíliis et précibus, ac rerum divinárum contemplatióne máximam nóminis celebritátem

ac sanctitatis laudem consecutus, et a fratribus monasterii regimen assumere coactus, accitis quibusdam sociis inde discessit, ac Herbipolim, Franconiæ urbem, pervenit, ibique ignotus inter incredulæ gentis feritatem aliquamdiu vitam egit, paratus pro illius salute Christique glória sanguinem fundere. Profectus postea Romam, accepta a Summo Pontifice prædicandi licentia, ad ducem Herbipolensem, Gisbertum nomine, revertitur episcopali auctus dignitate, eum ad fidem christianam prædicatione sua convertit, et cum multis aliis ipsi subiectis baptizavit.

**R.** Sancti tui, Domine mirabile consecuti sunt iter, serviētes præceptis tuis, ut invenirentur illæsi in aquis validis: \* Terra apparuit arida: et in Mari Rubro via sine impedimento. **V.** Quoniam percussit petram, et fluxerunt aquæ, et torrentes inundaverunt. Terra.

### Lectio v

**V**IDENS autem vir sanctus ducem, quantumvis in

fide instructus esset, periclitari tamen salute, quod germani sui uxorem Geylanam matrimonio sibi copulatam contra evangelicæ legis doctrinam retineret, blando colloquio familiaris admonito presuasit, ut eam a toro separatam dimittere cogitaret. Hæc cum ad aures impiæ mulieris pervenissent, furore succensa Kiliāni necem die noctuque pertractans, ei insidias parare coepit, quas ille cognoscens, cum sociis Colomanno presbytero, et Totnāno diacono orationibus et jejūnio vacare non desiit.

**R.** Vërbera carnificum non timuerunt sancti Dei, moriētes pro Christi nomine: \* Ut heredes fierent in domo Domini. **V.** Tradiderunt corpora sua propter Deum ad supplicia. **Ut.**

### Lectio vi

**C**UM igitur diu optatum martyrii diem alacriter expectarent, irruentibus dum divinas laudes peragerent sicariis ad hoc destinatis, impio gladio trucidati sunt; corpora eorum mox in eodem loco

cum Pontificálibus indumentis et sacris libris et cruce, ne quis posset indícium necis deprehéndere, defóssa sunt. Unde Geylána a dæmónio vexáta ad ætérnas pœnas ivit, unus lictórum in furórem versus se déntibus laniávit, alter a dæmone in rábiem actus gládio se perémit. Ejus ac sociórum córpora póstmodum crebérrimis coruscántia miráculis a sanctis Bonifátio archiepíscopo et Burchárdo ejus loci epíscopo, consílio et præcépto sancti Zachariæ Papæ, anno Dómini septingentésimo quinquagésimo de tûmulo, quo indecénter pósita fúerant, subleváta sunt, et púplico cúltui honorífice exhibíta.

℞. Tamquam aurum in fornáce probávit eléctos Dóminus, et quasi holocáusti hóstiam accépit illos: et in témpore erit respéctus illórum: \* Quóniam donum et pax est eléctis Dei. Ʋ. Qui confidunt in illum, intélligent veritátem: et fidéles in dilectione acquiescent illi. Quóniam. Glória Patri. Quóniam.

In III Nocturno Homilia in Ev. Cum audieritis prælia, de Communi

plurimorum Mm. 1 loco.

Pro S. Elisabeth:

### Lectio ix

ELISABETH Aragóniæ régibus orta est anno Christi millésimo ducentésimo septuagésimo primo. Natális ejus lætítia perniciosas avi patrísque dissensiónes in concórdiam convértit, ex quo statim pátuit, quam felix regum regnorúmque esset futúra pacátrix. In castigándo corpore, in précibus assidue recitándis, in caritátis opéribus exercéndis admirábilis fuit. Dionýsio Lusitániæ regi in matrimónium tráditá, non minórem excoléndis virtútibus quam líberis educándis óperam dabat, viro placére studens, sed magis Deo. Monastéria, collégia et templa non modo extrúxit, sed étiam magnífice dotávit. In regum discórdiis componéndis admirábilis fuit, in privátis publicisque mortálium sublevándis calamitátibus indeféssa et miráculis clara. Defúncto rege Dionýsio, cum hábitum Seráphici órdis

induisset, quidquid sibi carum aut pretiosum supérerat, pro regis ánima templo Compostelláno obtulit, et in sacros ac pios usus convértit. Dénique reges duos, filium et génerum, pacificátura, morbo ex itínere contrácto, a Vírgine Deípara visitáta, sanctíssime óbiit. Eam, miráculis claram, Urbánus octávus inter Sanctos adscrípsit.

Te Deum laudámus.

#### AD LAUDES

Ÿ. Exsultábunt Sancti in glória.

℞. Lætabúntur in cubílibus suis.

**Ad Bened.** **Ant.** Vestri capílli cápitis \* omnes numeráti sunt : nolíte timére : multis passéribus meliôres estis vos.

#### Oratio

**D**EUS, qui sanctórum Mártýrum Kiliáni et Sociórum ejus méntibus in passióne constántiam inspirásti: concéde propítius; ut sicut illi devíctis persecutóribus a te coronári meruérunt, ita nos eórum interventióne tua semper protectióne lætémur. Per Dóminum.

**Et fit Com. S. Elisabeth:**

**Ant.** Tu glória Jerúsalem, tu lætítia Israël, tu honorificéntia pópuli tui.

Ÿ. Méritis et précibus beátæ Elisabeth. ℞. Propítius esto, Dómine, pópulo tuo.

#### Oratio

**C**LEMENTÍSSIME Deus, qui beátam Elisabeth regínam, inter céteras egregias dotes, béllici furóris sedándi prærogativa decorásti: da nobis ejus intercessióne post mortális vitæ, quam suppliciter pétimus, pacem, ad ætérna gáudia perveníre. Per Dóminum.

#### IN II VESPERIS

Ÿ. Exsultábunt Sancti in glória.

℞. Lætabúntur in cubílibus suis.

**Ad Magnif.** **Ant.** Gaudent in cælis \* ánimæ Sanctórum, qui Christi vestígia sunt secúti: et quia pro ejus amóre sánguinem suum fuderunt, ideo cum Christo exsúltant sine fine.

**Et fit Com. S. Elisabeth:**

**Ant.** Elisabeth pacis et pátriæ mater, in cælo triúmphans, dona nobis pacem.



Ÿ. Ora pro nobis, beáta Elísabeth. **R.** Ut digni efficiámur promissionibus Christi.

**Oratio** Clementissime, **ut supra.**

Die 11 Julii

S. Udalrici Monachi

**Confessoris Semiduplex** (m. t. v.)

Ÿ. Amávit eum Dóminus, et ornávit eum. **R.** Stulam glóriæ induit eum.

**Ad Magnif. Ant.** Similábo eum \* viro sapiénti, qui ædificávit domum suam supra petram.

**Oratio**

**D**EUS, qui nos ádmones, exémplo beáti Udalríci temporália despícere et ad ætérna festináre: da fámulis tuis; ut, quæ tibi plácita cognóvimus, ipso pro nobis intercedénte, implére valeámus. Per Dóminum.

**Et fit Com. præcedentis:**

**Ant.** Gaudent in cælis ánimæ sanctórum, qui Christi vestígia sunt secúti: et quia pro ejus amóre ságuinem suum fudérunt, ideo cum Christo exsúltant sine fine.

Ÿ. Exsultábunt sancti in glória. **R.** Lætabúntur in cubílibus suis.

**Oratio**

**P**RÆSTA, quæsumus, omnípotens Deus: ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. (Per Dóminum.)

**Deinde Com. S. Pii I Papæ et Mart.:**

**Ant.** Iste Sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

Ÿ. Glória et honóre coronásti eum, Dómine. **R.** Et constituísti eum super ópera mánuum tuárum.

**Oratio**

**I**NFIRMITÁTEM nostram réspice, omnípotens Deus: et quia pondus própriæ actióis gravat, beáti Pii Mártyris tui atque Pontificis intercessio gloriósa nos prótegat. Per Dóminum.

**In II Nocturno**

**Lectio iv**



**U**DALRÍCUS ex illústri Bojariórum gente, patre Bernóldo, Henríco tértio Imperatóri

acceptíssimo, Ratisbónæ natus, in liberalibus stúdiis et disciplínis sédulo fuit institútus. Adolescéntior factus et aulam Imperatóris ingræssus, virtútum ómnium exémplos céteris áulicis se præbuit. Mox a pátruo Frisingénsi epíscopo ab aula evocatús, clericáli militíæ adscriptus et diáconus factus, ob spectátam morum integritátem Frisingénsi ecclésiæ præpósitus est renunciátus. Sed non ita multo post, desidério sacra Palæstínæ loca viséndi incensus, longíssimam illam peregrinatióem non sine magnis labóribus vitæque discrimine suscepit perfecitque. Ratisbónam revérsum, de solitária vita capessénda construendóque monastério cogitare cœpit; sed fama permótus sancti Hugónis abbátis Cluniacénsis, suis bonis máxima ex parte paupéribus distribútis, salutátisque Apostolórum limínibus Cluniacum proféctus est, ut se illi in monástica vita instituéndum tráderet.

℞. Honéstum fecit illum

Dóminus, et custodívit eum ab inimícis, et a seductóribus tutávit illum: \* Et dedit illi claritátem ætérnam. ∷. Justum dedúxit Dóminus per vias rectas, et osténdit illi regnum Dei. Et.

### Lectio v

**A**B Hugóne in monastérium admíssus, statim virtútibus ómnibus, imprímis christiána ánimi demissióne, ádeo inclarescere cœpit, ut paulo post Hugo eúndem ad sacerdotium promovéndum curáverit, sibi a sacris et a consiliis esse volúerit, ac monachórum confessiónibus excipiéndis præfécerit. Hoc múnere admirábili prudéntia, comitáte et caritáte defungebátur. Sævíssimas carnis tentatióes mira fortitúdine devícit, illátas sibi injúrias patientíssime tulit. Marciníacum, ut sacris virgínibus præesset, missus, óculi dolore corréptus, Cluniacum revérti coactus est; sed prístinæ incolumitáti restitútus, Hugónis jussu primo monastérium in monte Rótgeri a fundaméntis extrúxit, mox Gruningénse

monastérium, jam pridem in Brisgóvia fundátum, regéndum suscepit. Verum in hoc monastério non diu súbstitit Udalricus, quod illud laicórum frequéntiæ nímium patére cérneret: quare in locum magis remótum, Cella dictum, in Silva nigra monastérium tránstulit. Hujus monastérii ecclésiám in honórem Apostolórum Perti et Pauli étiam ædificávit, áltero in Bollschwilénsi pago pro sacris virgínibus exstrúcto ascetério.

℞. Amávit eum Dóminus, et ornávit eum, \* Et ad portas paradísi coronávit eum. √. Induit eum Dóminus lorícam fidei, et ornávit eum. Et.

### Lectio vi

**M**ónachos sanctíssimis légibus atque institútis regébat, sed præsertim abstinéntia, vigíliis, júgibus lácrimis continénti ferventíssimáque oratióne et aliárum virtútum exercitatióne ad pietátem excitábat: quare brevi ejúsdem sanctimóniæ fama lóngius latiúsque diffúsa est. Ad

Guliélmum étiam abbátem Hirsaugiensem divértit, ab eodémque hospítio recéptus, ejus rogátu de consuetudinibus Cluniacénsibus libros mira sapiéntia et pietáte refértos conscrípsit. Dénique virtútibus et miráculis clarus, cum oculórum usum pénitus amisísset, eámque calamitátem biénnio íntegro æquíssimo ánimo pertulísset, in extrémum incidit morbum, atque ad ea verba: Sancti per fidem vicérunt regna, quæ sibi ánimam agénti jússerat recitári, spíritum Deo réddidit in eódem monastério sanctórum Petri et Pauli, ubi ejus sacrum corpus cónditum fuit, et quod deínde a sancto Udalríco nomen accépit.

℞. Iste homo perfécit ómnia quæ locútus est ei Deus, et dixit ad eum: Ingrédere in réquiem meam: \* Quia te vidi justum coram me ex ómnibus géntibus. √. Iste est, qui contémpsit vitam mundi, et pervénit ad cæléstia regna. Quia. Glóri Patri. Quia.

In III Nocturno Homilia in Evangel. Sint lumbi, de Communi Conf. non Pont. 1 loco.

## Pro S. Pio I:

## Lectio ix

**P**IUS, hujus nóminis primus, Aquilejénsis, Ruffini filius, ex presbytero sanctæ Romanæ Ecclesiæ Summus Pontifex creátus est, Antonino Pio et Marco Aurelio imperatóribus augustis. Quinque ordinatió nibus, mense Decembri, episcopos duódecim, octódecim presbyteros creávit. Exstant nonnulla ab eo præcláre instituta, præsertim ut Resurréctio Dómini nonnisi die Dominico celebrarétur. Pudentis domum in ecclésiám mutávit, eamque ob præstantiam supra ceteros titulos, útpote Romani Pontificis mansiónem, título Pastoris dicávit; et in qua sæpe rem sacram fecit, et multos ad fidem conversos baptizávit ac in fidelium númerum adscripsit. Dum vero boni pastoris munus obiret, fuso pro suis ovibus et summo pastore Christo ságuine, martyrio coronátus est quinto Idus Julii, ac sepúltus in Vaticano.

Te Deum laudámus.

## AD LAUDES

Ÿ. Justum dedúxit Dóminus per vias rectas. **R.** Et osténdit illi regnum Dei.

**Ad Bened. Ant.** Euge, serve bone \* et fidélis, quia in pauca fuísti fidélis, supra multa te constítuam, intra in gáudium Dómini tui.

## Oratio

**D**EUS, qui nos ádmones, exémplo beáti Udalríci temporália despícere et ad æténa festináre: da fámulis tuis; ut, quæ tibi plácita cognóvimus, ipso pro nobis intercedénte, implére valeámus. Per Dóminum.

Et fit Com. S. Pii I:

**Ant.** Qui odit ánimam suam in hoc mundo, in vitam ætéram custódit eam.

Ÿ. Justus ut palma florébit. **R.** Sicut cedrus Líbani multiplicábitur.

## Oratio

**I**NFIRMITÁTEM nostram réspice, omnípotens Deus: et quia pondus própriæ actiós gravat, beáti Pii Mártiris tui atque Pontificis intercésio gloriósa nos

prótegat. Per Dóminum.

Vesperæ de sequenti, Com.  
præcedentis:

**Ant.** Hic vir despiciens mundum  
et terréna triúmphans, divítias  
cælo cóndidit ore manu.

Ÿ. Justum dedúxit. **et Oratio**  
Deus, qui nos, **ut supra.**

Deinde Com. Ss. Naboris et Felicis  
Mm.:

**Ant.** Istórum est enim regnum  
cælórum, qui contempserunt  
vitam mundi, et pervenerunt ad  
præmia regni, et laverunt stolas  
suas in ságuine Agni.

Ÿ. Lætámini in Dómino, et  
exsultáte justi. **℞.** Et gloriámini

omnes recti corde.

### Oratio

**P**RÆSTA, quæsumus, Dómine:  
ut, sicut nos sanctórum  
Mártýrum tuórum Náboris et  
Felicis natalícia celebránda non  
désérunt; ita júgiter suffrágiis  
comiténtur. Per Dóminum.

Die 15 Julii

S. Henrici **Imperatoris,**  
**Confessoris** **Duplex majus** (m.  
t. v.)

**Omnia ut in Breviario eadem die,**  
**præter ritum.**

**In I Vesperis fit Com. præcedentis**

**In II Vesperis fit Com. sequentis**

DIE 24 JULII

Beati Bernardi Marchionis Baden., Confessoris **In Magno**  
**Ducatu Baden.: Patroni principalis**

DUPLIX I CLASSIS (m. t. v.)

**Omnia de Communi Conf. non**  
**Pont., præter sequentia.**

Ÿ. Amávit eum Dóminus, et  
ornávit eum. **℞.** Stolam glóriæ

índuit eum.

**Ad Magnif. Ant.** Similabo  
eum \* viro sapienti, qui ædificávit  
domum suam supra petram.


## Oratio

**D**EUS, qui beátum Bernárdum  
 Confessórem tuum  
 æternitátis láurea decorásti:  
 concéde propítius; ut, qui  
 commemoratiónis ejus festa  
 percólimus, vitæ quoque  
 imitémur exéempla. Per  
 Dóminum.

In I Nocturno Lectiones Beátus vir,  
 de Communi Conf. non Pont. 1 loco.

## In II Nocturno

## Lectio iv

ERNÁRDUS, in  
 Margraviátu Badénsi  
 natus, paréntes hábuit  
 Jacóbum primum, marchiónem  
 Badensem, et Catharínam,  
 Cároli ducis Lotharíngiæ filiam,  
 quorum ópera sanctisque  
 institútis eruditus, jam a  
 ténera ætáte Deum timére  
 didicit, eíque religiónis áctibus  
 famulári. Jacóbo vita functo  
 ditiónum régimen suscepit,  
 quod munus dignitatémque  
 sic sustínuit, ut illíus quique  
 prudéntiam, æquitátem ac  
 justítiam celebrárent. Sed  
 cum virginiátem serváre ánimo

statuísset, Magdalénæ, Cároli  
 séptimi Galliárum regis filiæ,  
 præclaríssimas núptias recusávit  
 subjectæque sibi ditiónis régimen  
 Cárolo fratri sponte cessit, ut a  
 terrénis curis solútus, libérius  
 Deo divinisque rebus vacáret.

**R.** Honéstum fecit illum  
 Dóminus, et custodívit eum ab  
 inimícis, et a seductóribus tutávit  
 illum: \* Et dedit illi claritátem  
 ætérnam. **Ÿ.** Justum dedúxit  
 Dóminus per vias rectas, et  
 osténdit illi regnum Dei. Et.

## Lectio v

**I**N cæléstium meditatióne  
 assíduus, brevi christiánam  
 perfectiόνem adéptus est; suóque  
 exémplo monstrávit, in ipso étiam  
 aulæ splendóre sólida excelléntis  
 virtútis jaci posse fundaménta.  
 Sui rerúmque terrenárum  
 contéptor, humilitátem,  
 modéstiam et castitátem appríme  
 cóluit. Corpus vero jejúniis,  
 vigiliis aliisque pœnárum  
 genéribus veheménter afflíxit:  
 cilício enim utebátur ad carnes  
 hórrido, equínis crínibus  
 interténto, quo étiam indútus post  
 mortem invéntus fuit. Quotídie

Missæ sacrificio devotissime intéreat, quotidie, priusquam cúbitum iret, consciéntiæ suæ exomologésin faciébat. Erga Deíparam Vírginem singulári ferebátur pietátis sensu: erga Christi páuperes caritáte afficiebátur máxima, quorum ádeo amans erat, ut ob insígnem commiseratiónem páuperum pater dictus fúerit.

**R.** Amávit eum Dóminus, et ornávit eum: stolam glóriæ índuit eum, \* Et ad portas paradísi coronávit eum. **Ÿ.** Índuit eum Dóminus lorícam fidei, et ornávit eum. **Et.**

### Lectio vi

**C**ATHÓLICÆ religiónis propagándæ stúdio incénsus ad Friderícum tértium se cóntulit, ut contra Turcas bellum sacrum indíci posset. Præses cæsáreus per Itáliam ab eo deléctus, et ad Calíxtum tértium ad fœdus ineúndum orátor designátus, in Sabáudiam ad Ludovicum ducem perréxit, eúmque sacro bello sociávit. Romam inde proficíscens Montiscalérii in cœnóbio

Fratrum minórum conventuálium sancti Francísci spirituálibus exercítiis óperam dare constituit et, cum postrémum diem sibi imminére divínitus intellexisset, sacraméntis ecclésiæ múnitus, in hospítio prope dictum cœnóbium, in crucis suavíssimo ampléxu ánimam Deo réddidit, Idibus Iúlii, anno millésimo quadringentésimo quinquagésimo octávo. Ob plúrima mirácula, quæ illíus mortem jam in die depositiόνis consecúta sunt, cultu público statim coli cœpit: quem quidem cultum ab immemorábili témpore ad ætátem nostram prodúctum Clemens décimus quartus Póntifex máximus rite probávit.

**R.** Iste homo perfécit ómnia quæ locútus est ei Deus, et dixit ad eum: Ingrédere in réquiem meam: \* Quia te vidi justum coram me ex ómnibus géntibus. **Ÿ.** Iste est, qui contémpsit vitam mundi, et pervénit ad cæléstia regna. **Quia.** Glória Patri. **Quia.**

In III Nocturno Homilia in Evangel. Sint lumbi, de Communi Conf. non Pont. 1 loco.

## AD LAUDES

Ÿ. Justum dedúxit Dóminus per vias rectas. R̃. Et osténdit illi regnum Dei.

Ad Bened. Ant. Euge, serve bone \* et fidélis, quia in pauca fuísti fidélis, supra multa te constitúam, intra in gáudium Dómini tui.

## Oratio

D EUS, qui beátum Bernárdum Confessórem tuum æternitátis láurea decorásti: concéde propítius; ut, qui commemoratiónis ejus festa percólimus, vitæ quoque imitémur exémpa. Per Dóminum.

## IN II VESPERIS

Ÿ. Justum dedúxit *ut supra*.

Ad Magnif. Ant. Hic vir despíciens mundum \* et terréna, triúmphans, divítias cælo cóndidit ore, manu.

Et fit Com. sequentis tantum:

Ant. Tradent enim vos in concíliis, et in synagógis suis flagellábunt vos, et ante reges et præsides ducémini propter me in testimónium illis, et Géntibus.

Ÿ. In omnem terram exívit sonus eórum. R̃. Et in fines orbis terræ verba eórum.

## Oratio

E STO, Dómine, plebi tuæ sanctificátor et custos: ut, Apóstoli tui Jacóbi muníta præsídiis, et conversatióne tibi pláceat, et secúra mente desérviat. Per Dóminum.

---

Eadem die 24 Julii

In territorio Hohenzollerano:

Beati Bernardi **Marchionis**  
**Baden., Confessoris, Patroni**  
**minus principalis Duplex**  
**majus** (m. t. v.)

Ÿ. Amávit eum Dóminus, et ornávit eum. R̃. Stolum glóriæ índuit eum.

Ad Magnif. Ant. Similabo eum \* viro sapienti, qui ædificávit domum suam supra petram.

## Oratio

D EUS, qui beátum Bernárdum Confessórem tuum æternitátis láurea decorásti: concéde propítius; ut, qui commemoratiónis ejus festa percólimus, vitæ quoque



imitémur exéempla. Per  
Dóminum.

*Et fit Com. præcedentis:*

*Ant.* Qui vult veníre post  
me, ábneget semetípsum, et tollat  
crucem suam, et sequátur me.

*Ÿ.* Justus ut palma florébit.  
*Ř.* Sicut cedrus Líbani  
multiplicábitur.

### Oratio

**D**EUS, fidélium remunerátor  
animárum, qui hunc diem  
beáti Apollináris Sacerdótis tui  
martýrio consecrásti: tribue  
nobis, quæsumus, fámulis tuis;  
ut, cujus venerándam celebrámus  
festivitátem, précibus ejus  
indulgéntiam consequámur. Per  
Dóminum.

*Deinde Com. S. Christinæ Virginis  
et Martyris:*

*Ant.* Veni, Sponsa Christi,  
accipe coronam, quam tibi  
Dóminus præparávit in ætérnum.

*Ÿ.* Diffúsa est grátia in lábiis  
tuis. *Ř.* Proptérea benedíxit te  
Deus in ætérnum.

### Oratio

**I**NDULGÉNTIAM nobis,  
quæsumus, Dómine, beáta

Christina Virgo et Martyr  
implóret: quæ tibi grata semper  
éxstitit, et merito castitátis, et  
tuæ professióne virtútis. Per  
Dóminum.

*Lectiones II Nocturni, ut supra. 14*

*In III Nocturno Homilia in Ev. Sint  
lumbi vestri, de Communi Conf. non  
Pont. 1 loco.*

*Pro Vigilia S. Jacobi Ap.:*

Léctio sancti Evangélii secúndum  
Joánnem

*Lectio ix Cap. 15, 12-16*

**I**N illo témpore: Dixit Jesus  
discípulis suis: Hoc est  
præcéptum meum, ut diligátis  
ínvicem, sicut diléxi vos. Et  
réliqua.

Homilia sancti Gregórii Papæ

*Homilia 27 in Evangelia*



**Q**UAM cuncta sacra elóquia  
Domínici plena sint  
præcéptis, quid est  
quod de dilectióne, quasi de  
singulári mandáto, Dóminus  
dicit: Hoc est præcéptum  
meum, ut diligátis ínvicem: nisi  
quia omne mandátum de sola  
dilectióne est: et ómnia unum

præceptum sunt? quia quidquid præcipitur, in sola caritate solidatur. Ut enim multi arboris rami ex una radice proueniunt: sic multae virtutes ex una caritate generantur. Nec habet aliquid viriditatis ramus boni operis, si non manet in radice caritatis.

Te Deum laudamus.

AD LAUDES

℣. Justum deduxit Dominus per vias rectas. ℞. Et ostendit illi regnum Dei.

Ad Bened. Ant. Euge, serve bone \* et fidelis, quia in pauca fuisti fidelis, supra multa te constituam, intra in gaudium Domini tui.

Oratio

DEUS, qui beatum Bernardum Confessorem tuum aeternitatis laurea decorasti: concede propitius; ut, qui commemorationis ejus festa percolumus, vitae quoque imitemur exempla. Per Dominum.

Et fit Com. Vigiliae:

Ant. et ℣. de Feria currenti.

Oratio

DA quaesumus, omnipotens Deus: ut beati Jacobi, Apostoli tui, quam praenimus, veneranda sollemnitas, et devotionem nobis augeat et salutem.

Deinde Com. S. Christinae:

Ant. Simile est regnum caelorum homini negotiatori quaerenti bonas margaritas: inventa una pretiosa, dedit omnia sua, et comparavit eam.

℣. Diffusa est gratia in labiis tuis. ℞. Propterea benedixit te Deus in aeternum.

Oratio

INDULGENTIAM nobis, quaesumus, Domine, beata Christina Virgo et Martyr impleret: quae tibi grata semper exstitit, et merito castitatis, et tuae professionis virtutis. Per Dominum.

Vesperae de sequenti, Com. praecedentis:

Ad Magnif. Ant. Hic vir despiciens mundum \* et terrena, triumphans, divitias caelo condidit ore, manu.

Ÿ. Justum dedúxit **et Oratio**  
Deus, qui beátum, **ut supra.**

## FESTA AUGUSTI

Die 27 Augusti  
S. Gebhardi **Episcopi**  
**Constantiensis, Confessoris**  
**Duplex**

**Ad Magnif. Ant.** Sacerdos et  
Póntifex, \* et virtútum ópifex,  
pastor bone in pópulo, ora pro  
nobis Dóminum.

Ÿ. Amávit eum Dóminus, et  
ornávit eum. **R.** Stulam glóriæ  
índuit eum.

### Oratio

**E**XÁUDI quæsumus, Dómine,  
preces nostras, quas in beáti  
Gebhárdi Confessóris tui atque  
Pontíficis solemnitate deférimus:  
et qui tibi digne méruit famulári,  
ejus intercedéntibus méritis ab  
ómnibus nos absólve peccátis.  
Per Dóminum.

**Et fit Com. S. Josephi Calasancii**  
**Conf.:**

**Ant.** Simlíabo eum viro sapiénti,  
qui ædificávit domum suam supra

petram.

Ÿ. Justum dedúxit Dóminus per  
vias recatas. **R.** Et osténdit illi  
regnum Dei.

### Oratio

**D**EUS, qui per sanctum  
Ioséphum Confessórem  
tuum, ad erudiéndam spíritu  
intellegéntiæ ac pietátis  
juventútem, novum Ecclésiæ tuæ  
subsídium providére dignátus  
es: præsta, quæsumus; nos,  
ejus exémplo et intercessióne,  
ita fácere et docére, ut præmia  
consequámur æténa. Per  
Dóminum.

### In II Nocturno

#### Lectio iv



**EBHÁRDUS,** hoc  
nómine secúndus  
Constantiénsis  
Epíscopus, Comes Brigantínus,  
paréntes hábuit Uttónem et  
Thietbúrgam, ex præclaríssimo  
Alamannórum genere procreátos;  
puerítiam lítteris grammaticálibus  
addiscéndis consúmpsit;  
adoléscens, mirum est,  
quanta ánimi puritáte atque  
innocéntia lúbricam illam

ætátem transégerit; apud cives eam probitátis integritátisque opinióem adéptus est, ut Gaminólpho Constantiensi Antístite, qui sancto Conrádo succésserat, ex hac vita subláto, summo ómnium consénsu atque lætítia, anno incarnatiónis Domínicæ nongentésimo octogésimo, Ottónis secúndi octávo, episcopus creátus sit.

**R.** Invéni David servum meum, óleo sancto meo unxi eum: \* Manus enim mea auxiliábitur ei. **Ÿ.** Nihil proficiet inimicus in eo, et filius iniquitátis non nocébit ei. **Manus.**

### Lectio v

**F**ACTUS episcopus, humilitátem, castitátem aliásque virtútes perpétuo diléxit: Cathólicam fidem et disciplínam ecclesiásticam acérrime deféndit: satis amplum ac lautum patrimónium, quod ei pii paréntes relíquerant, paupéribus distribuit, illud Dómini secum ánimo volvens: Si vis perféctus esse, vade et vende ómnia, quæ habes, et da paupéribus, et

habébis thesáurum in cælis. Monastérium beáti Gregórii Papæ nómine, anno post Christum natum nongentésimo octogésimo tertio, magnificentíssime extrúxit. Collégium prætérea monachórum, qui diu noctúque Deo deservírent, instituit, quod multis prædiis attribútis locupletávit, ac munéribus amplíssimis exornávit.

**R.** Pósuí adjutórium super poténtem, et exaltávi eléctum de plebe mea: \* Manus enim mea auxiliábitur ei. **Ÿ.** Invéni David servum meum, óleo sancto meo unxi eum. **Manus.**

### Lectio vi

**B**EÁtus itaque vir, Ecclésiám sibi commíssam cum séxdecim annos sanctíssime administráset, tandem Dei benignitáte, datis præcláris sanctitátis suæ testimóniis, cumulátus méritis quíévit in Dómino, sexto Kaléndas Septémbris, anno a Vírginis partu nongentésimo nonagésimo sexto. Incredíbile quidem dictu est, quantum mórtuus apud omnes

sui desidérium reliquerit. Ejus corpus honorífico sepúlchro tráditum est.

**R̃.** Iste est, qui ante Deum magnas virtútes operátus est, et omnis terra doctrína ejus repléta est: \* Ipse intercédât pro peccátis ómnium populórum. **Ṽ.** Iste est, qui contémpsit vitam mundi, et pervénit ad cæléstia regna. Ipse. Glória Patri. Ipse.

### In III Nocturno

Léctio sancti Evangélíi secúndum  
Matthæum

Lectio vii Cap. 24, 42-47

**I**N illo témpore: Dixit Jesus discipulis suis: Vigiláte, quia nescítis qua hora Dóminus vester ventúrus sit. Et reliqua.

Homília sancti Hilárii Epísco-pi

Comment. in Matth. can. 26 in fine



**I**T ignorántiam illam diéi ómnibus tácti, non sine útilis siléntii ratióne esse scirémus, vigiláre nos Dóminus propter advéntum furis admónuit, et oratiónum assiduitáte deténtos, ómnibus præceptórum suórum

opéribus inhærére. Furem enim esse osténdit zábulum, ad detrahénda ex nobis spólia pervígilem, et córporum nostrórum dómibus insidiántem: ut ea, incuriósus nobis, et somno déditis, consiliórum suórum atque illecebrárum jáculis perfódíat. Parátos ígitur esse nos cónvenit, quia diéi ignorátio inténtam sollicitúdinem suspénsæ expectatiónis exágitet.

**R̃.** Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. **Ṽ.** Índuit eum Dóminus lorícám fidei, et ornávit eum. Et.

Lectio viii

Can. 27

**Q**UISNAM est fidélis servus et prudens, quem constitúit Dóminus super famíliam suam? Quamquam in commúne nos ad indeféssam vigilántiæ curam adhortétur: speciálem tamen pópuli principibus, id est, episcopis, in exspectatióne adventúque suo sollicitúdinem mandat. Hunc enim servum fidélem atque prudéntem,

præpósitum familiæ significat, cômmoda atque utilitâtes commissi sibi pópuli curântem. Qui si dicto áudiens, et præcéptis obédiens erit, id est, si doctrínæ opportunitâte et veritâte infirma confirmet, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens, hisque ímmorans deprehendátur: glóriam a Dómino tamquam dispensátor fidélis, et víllicus útilis consequétur, et super ómnia bona constituétur; id est, in Dei glória collocábitur, quia nihil sit ultra, quod mélius sit.

**℞.** Sint lumbi vestri præcíncti, et lucérnæ ardéntes in mânibus vestris: \* Et vos símiles homínibus exspectántibus dóminum suum, quando revertátur a núptiis. **℣.** Vigiláte ergo, quia nescítis qua hora Dóminus vester ventúrus sit. **Et. Glória Patri. Et.**

Pro S. Josepho Calasancio:

### Lectio ix

**I**OSÉPHUS Calasáncius, Petráltæ in Aragónia natus, adhuc

párvulus æquáles ad se convocátos mystériis fidei et sacris précibus erudiébat. Sacerdos ex voto factus, summa vitæ asperitâte, vigiliis et ieiúniis corpus afflígens, in oratióne et rerum cæléstium contemplatióne dies noctésque versabátur. Cum divínitus accepísset, se ad informándos intellegéntiæ ac pietátis spírítu adolescéntes præcípue páuperes, destinári; órđinem Clericórum regulárium páuperum Matris Dei scholárum piárum fundávit, qui peculiárem curam de púeris erudiéndis ex próprio institúto profiteréntur. Innúmeris proptérea labóribus atque ærúmnis invícto ánimo tolerátis, secúndum et nonagésimum annum agens, obiit in Dómino, octávo kaléndas septémbris, anno millésimo sexcentésimo quadragésimo octávo.

Te Deum laudámus.

AD LAUDES

**℣.** Justum dedúxit Dóminus per vias recatas. **℞.** Et osténdit illi regnum Dei.

**Ad Bened. Ant.** Euge, serve bone \* et fidélis, quia in pauca fuísti fidélis, supra multa te constituam, dicit Dóminus.

### Oratio

**E**XÁUDI quæsumus, Dómine, preces nostras, quas in beáti Gebhárdi Confessóris tui atque Pontíficis solemnitate deférimus: et qui tibi digne mérui famulári, ejus intercedéntibus méritis ab ómnibus nos absólve peccátis. Per Dóminum.

**Et fit Com. S. Josephi Calasanctii Conf.:**

**Ant.** Euge, serve bone \* et fidélis, quia in pauca fuísti fidélis, supra multa te constituam, intra in gáudium Dómini tui.

**Ÿ.** Amávit eum Dóminus, et ornávit eum. **Ř.** Stolum glóriæ induit eum.

### Oratio

**D**EUS, qui per sanctum Ioséphum Confessórem tuum, ad erudiéndam spírítu intellegéntiæ ac pietátis juventútem, novum Ecclésiæ tuæ subsidium providére dignátus es: præsta, quæsumus; nos,

ejus exémplo et intercessióne, ita fácere et docére, ut præmia consequámur æténa. Per Dóminum.

**Vesperæ a Capitulo de sequenti, Com. præcedentis:**

**Ant.** Sacérdos et Póntifex, \* et virtútum ópifex, pastor bone in pópulo, ora pro nobis Dóminum.

**Ÿ.** Justum dedúxit. **et Oratio** Exáudi quæsumus, **ut supra.**

**Deinde Com. S. Josephi Calasanctii:**

**Ant.** Hic vir despíciens mundum \* et terréna, triúmphans, divítias cælo cóndidit ore, manu.

**Ÿ.** Os justi meditábitur sapiéntiam. **Ř.** Et lingua ejus loquétur júdícium.

**Oratio** Deus qui, **ut supra.**

**Postea Com. S. Hermetis Mart.:**

**Ant.** Iste Sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

**Ÿ.** Glória et honóre coronásti eum, Dómine. **Ř.** Et constituísti eum super ópera mánuum tuárum.

**Oratio**

**D**EUS, qui beátum Hermétem  
Mártýrem tuum virtúte  
constántiæ in passióne roborásti:

ex ejus nobis imitatióne tríbue;  
pro amóre tuo próspera mundi  
despícere, et nulla ejus advérsa  
formidáre. Per Dóminum.

